

直隸叙永廳志卷三十五

政績志

直隸叙永廳

宋劉光義 太祖平蜀光義請置永寧路控制諸蠻
邊鄙以寧

兀塔海蒙古進士為嘉定路同知時永寧蠻梗化驛
傳阻絕檄塔海往諭之深入重險申以禍福諸
蠻遂翻然遵奉期約不兩月驛騎雲集傳舍一
新

直隸叙永廳志

卷三十五

政績

一

明傅友德字惟學宿州人洪武初封潁川侯充征南
大將軍率師由永寧趨貴州擒丁讓攻普定擒
安鎖築城通道屯兵聚糧恩威並著烏蒙烏撒
東川諸蠻相率降附邊地悉平永寧留守悉出
區畫封潁國公

李文忠洪武初封曹國公佐傅友德進征班師文
忠帥指揮使楊廣修築永寧衛城池

陳 桓濠人洪武初同胡海郭英率兵征雲南桓
由永寧趨烏撒克七星關而進滇平功封普定

侯二十一年奉詔通畢節道除榛莽分布屯田
爲久遠計

曹 震鳳陽人洪武二十四年開鑿永寧河道
張雲鵬大理府人嘉靖初以部郎左遷宜賓令爲
人寬厚民心愛戴歷叙瀘兵備道有政聲

王 寵字天錫隆慶中蒞任有惠政

周世匡萬歷中蒞任與王寵先後稱盛德焉

何 卿成都人萬歷間鎮守永寧芒部蠻叛卿征
之無不捷在鎮禮賢敬老澤及枯骨民爲立碑

直隸叙永廳志

卷五

政績

二

太史楊慎作雪山關謠曰雪山關雪風起十二
月斷行旅霧爲箐冰爲臺馬毛縮鳥鳴哀將軍
不丹來西路何時開蓋述途人之思也歷官都
督

國朝分巡永寧道

楊應魁在任實心愛民民咸感戴奉

旨於各夷取發難民甚力凡蜀南陷入夷穴者悉出湯
火至今頌焉

黃 龍在任建設學宮漸興文治

劉德宏在任修葺 文廟

馬雲龍在任重修學宮得壯觀焉

卞永式在任免民勞役有政聲工於詩文

劉而位在任立社講學以克己省身為主

叙永管糧同知

宋敏學在任輯叙永志

孫成鼎在任方欲治理學宮時值軍興督運口外

幾及兩載凱旋至永尅日董事行將落成奉制

府調赴秦中臨去猶諄諄念及於學校云通志誤作

直隸叙永廳志 卷三

政績

三

桑成鼎

杜士秀在任捐置藉田祭器有惠政陞寧遠府雍

正十三年永寧饑士秀因事適至詳請賑災民

咸德之

何 培在任捐施賑饑民賴以全

杜 樞在任捐修永和橋立養濟院並捐建義學

歲給薪米延師教授續修叙永志一時家絃戶

誦文風稱盛焉

徐明健在任有政聲

陶敦和在任捐設義學卽今丹山書院

朱孝純在任請帑重修西城週圍五里六分有奇
至今鞏固民資保障

周明德字勗齋蘓州長洲縣人在任置買養濟院

田地一分添設孤貧男女三十名口並分男女
兩院詳請立案每年收租按月變價支給

永寧縣知縣

易 昌字師言江蘓上元縣進士在任置買南門

街房一所移舊義學於此延師訓課生童並捐

直隸叙永廳志

卷五

政績

四

膏火之資今爲蓬萊書院

教職

冉廣焯 西陽州貢生乾隆三十六年選授縣學

教諭在任捐募補修於櫺星門之前增鑿泮池
建橋於其上圍以石欄規模稱備焉

武職

饒武中 湖廣黃州府廣濟縣人由武進士來任

赤水恩信素著撫字爲勤

永赤同知附 今已奉裁

王家相 湖廣人順治十六年初任永赤同知招
集流亡興建學校士民戴之

張英才 遼東人任永赤同知時值力役繁重任
勞均役詳請協濟民困以蘓

直隸永廳志

卷五

政績

五